
Saksnr: 2019/11-112
Saksbehandlar: Petter Lem Gullestad

Saksgang

Utval	Utv.saksnr.	Møtedato
Valnemnda		28.09.2021
Fylkestinget		29.09.2021

Val av ny varamedlem til styret i stiftinga Festspillene i Bergen

Forslag til innstilling

1. Som ny varamedlem til stiftinga Festspillene i Bergen vert oppnemnd:

Samandrag

Vestland fylkeskommune er representert i representantskapet og styret i stiftinga Festspillene i Bergen. Gunhild Berge Stang har underretta stiftinga om at ho trer i frå sitt verv som varamedlem i styret. Fylkeskommunedirektøren legg med dette til rette for val av ny varamedlem til styret.

Rune Haugsdal
fylkeskommunedirektør

Ingrid Kristine Holm Svendsen
avdelingsdirektør

Saksframlegget er godkjent elektronisk og har difor inga handskriven underskrift

Saksutgreiing

Bakgrunn for saka

Gunhild Berge Stang har formelt underretta stiftinga Festspillene i Bergen om at ho trer i frå sitt verv som varamedlem i styret.

Vestland fylkeskommune skal nemne opp ein ny varamedlem.

Vedtakskompetanse

Mynde til å innstille eller velje medleamar til eksterne organ ligg til fylkestinget, jf. Reglement for fylkestinget punkt 2.4.6.

Valnemnda gjev innstilling i saker om val, der avgjerda om valet ligg til fylkestinget, jf. Reglement for valnemnda. Valnemnda legg fram forslag til representantar til styrande organ i selskap, stiftingar og institusjonar, generalforsamlingar m.m., der fylkeskommunen har medlemer og varamedlemer i styret.

Fylkeskommunedirektøren sine vurderingar

Vestland fylkeskommune er representert slik i stiftinga Festspillene i Bergen:

Representantskapet

Medlem: Jon Askeland (Sp)

Varamedlem: Natalia Golis (MDG)

Styret

Medlem: Stian Davies (A)

Varamedlem: Gunhild Berge Stang (V)

Medlem: Silja Ekeland Bjørkly (H)

Varamedlem: Trym Aafløy

Av stiftinga sine vedtekter § 4 følger:

«Stiftelsen skal ha et styre på 7 medlemmer med personlige varamedlemmer. Samtlige velges for 4 år om gangen. Et representantskapsmedlem kan ikke sitte i Styret. Ingen kan være styremedlem i mer enn 8 år. Formannen har dobbeltstemme ved stemmelikhet, dog ikke i ansettelsessaker.

Den norske stat oppnevner Styrets leder med varamedlem. Hordaland Fylkeskommune oppnevner 2 styremedlemmer med varamedlemmer. Bergen Kommune oppnevner 1 styremedlem med varamedlem. Representantskapet oppnevner 2 styremedlemmer med varamedlemmer, mens 1 styremedlem med varamedlem oppnevnes av - og blant - de fast ansatte i Festspillene.

Valgperioden følger kommunevalgperioden, dog slik at nyvalgte medlemmer tiltrer 1. januar.»

Stiftingslova har enkelte særreglar når det gjeld samansetnad av styret. Det følgjer av stiftingslova § 27 første ledd at følgjande personar ikkje kan vere medlemer i styret i ei stifting:

- juridiske personar
- mindreårige
- personar som er fråtekne rettsleg handleevne
- personar som er sett i konkurskarantene etter konkurslova § 142

I § 27 tredje ledd er det presisert at følgjande personar ikkje kan (kvar for seg eller saman) vere dei einaste medlemene av styret:

- a) den som har avgitt en formuesverdi som inngår som grunnkapital i stiftelsen,
- b) nærstående av den som har avgitt en formuesverdi som inngår som grunnkapital i stiftelsen,
- c) person som har tillitsverv i, eller står i et ansettelses- eller underordningsforhold til den som har avgitt en formuesverdi som inngår som grunnkapital i stiftelsen,

d) hvis den som har avgitt en formuesverdi som inngår som grunnkapital i stiftelsen, er en juridisk person, person som har slik innflytelse som nevnt i § 4 tredje ledd over den juridiske personen, og hans eller hennes nærstående.

Minst halvparten av styremedlemene må dessutan vere busette i Noreg. Ovannemnde reglar gjeld så langt dei passar også for varamedlemer.

Likestillingslova § 21 første, andre og femte ledd gjeld når ein fylkeskommune skal peike ut heile styret i ei stifting, jf. stiftingslova § 27a. Når fylkeskommunen peikar ut delar av styret, gjeld dette tilsvarande i høve dei styremedlemene fylkeskommunen peikar ut. Dette inneber at fylkeskommunen skal peike ut ei kvinne til ledig verv som varamedlem.

Konklusjon

Fylkestinget gjer val av ny varamedlem til styret i stiftinga Festspillene i Bergen i tråd med føringane i saksframlegget.